

BOSNA I HERCEGOVINA

PRIJEDLOG

FEDERACIJA BOSNE I HERCEGOVINE

ZENIČKO-DOBOJSKI KANTON

OPĆINA TEŠANJ

OPĆINSKO VIJEĆE

Komisija za izmjenu naziva ulica i trgova

u Tešnju, Jelahu i Tešanjci

OPĆINA TEŠANJ

Prijelom	01-11-2012		
Org. jed.	Klasif. oznaka	Redni broj	Priloga
02-02	1-3344		

Hokaj

Na osnovu Rješenja Općinskog Vijeća Tešanj broj: 01-49-2053-2/04 od 14.05.2004. godine, te Rješenja isti broj, od 16.03.2005. godine, kao i dopisa općinskog načelnika broj: 02-1-3344/12 od 18.10.2012. Komisija za izmjenu naziva ulica i trgova u Tešnju, Jelahu i Tešanjci, na sastanku održanom 23.10.2012. godine razmatrala je inicijative građana općine Tešanj i dala

PRIJEDLOG

o imenovanju ulica u Tešnju i Jelahu

1. Ulica Adema Omaha Omaha

od regionalnog puta 474 Prnjavor-Novj Šeher (iza Doma kulture u Jelahu), do magistralne ceste Karuše-Teslić-Banja Luka kod „caffe Cappy“.

Adem Omaha je legendarni komandant odbrane općine Tešanj u odbrambeno-oslobodilačkom ratu 1992-95. Jedan je od entuzijasta i pokretača odbrane i prije zvaničnog organizovanja od strane TO Tešanj. Svojim optimizmom, oštroumnošću i hrabrošću, stečeno znanje u školi rezervnih oficira prije rata ličnim primjerom je vrlo praktično prenio na konkretne uslove organizovanja odbrane. Zbog nesebičnog angažovanja bio je od ogromnog značaja za sticanje samopouzdanja ostalih boraca, radi čega je vrlo brzo zadobio njihovo povjerenje, a oni ga prihvatili za svoga vođu. Kao takav, vrlo brzo je postao i komandant samostalnog odreda TO Jelah, koji je brojao više stotina pripadnika. U daljem toku rata na svim kritičnim mjestima i situacijama širom Općine, ne čekajući poziv ni naredbu, Adem je bio među prvim dobrovoljcima koji su pristizali u pomoć. Izvršavao je i druge visoke odgovorne ratne dužnosti vezane za prostor Općine pa i šire. Uvijek je odgovorno izvršavao svoje obaveze pa i više od toga, jer je u svom okruženju vječitim optimizmom širio samopouzdanje i pozitivnu energiju. Jednostavno rečeno, Adem je svojim djelima davao primjer kako se njeguje patriotizam u punom njegovom smislu, kako prema domovini tako i prema narodu kome je pripadao. A istovremeno, poštivajući druge i drugačije, zagovarao je suživot naroda i građana ove zemlje, koji ju prepoznaju i osjećaju svojom.

2. Put Ahmetagića

počinje odvajanjem od Srebreničke ulice, kod kuće Vehaba (ranije kuća kalajdžije Mirka Blatančića) s jedne strane i Zdenka Varivode, s druge strane, te prolazi između pravoslavnog groblja i greblja Obješenica, sa izlaskom u Gornjem Dobropolju.

U naselju Tepe-Kose od davnina živi više porodica Ahmetagić, koji spadaju u najstarije poznate stanovnike ovog naselja. Ahmetagići se svrstavaju u red i najstarijih tešanjskih gradskih porodica, čiji su preci poput Galijaševića, Mehinagića, Srkalovića, Mešića i drugih, bili čuveni trgovci, a pojedini članovi porodice su visoko kotirali u javnom životu Tešnja, te predstavljali važne političke ličnosti našeg grada u doba austrougarske okupacije Bosne i Hercegovine.

3. Ulica Salih Sarića

odvaja se kao krak sa trga Gazi Ferhad-bega i počinje između zgrade bivše gradske kafane-sada notarskog ureda Jusufa Hodžića (Trg Gazi Ferhad-bega bb), s desne strane i zgrade u kojoj se nalazi mesnica Avdić (Trg Gazi Ferhad-bega bb), s lijeve strane; te spušta do gvozdare Mulabdić, gdje završava izlaskom na ulicu 9. septembar.

Salih Sarić je rođen 1927. godine u Kozarcu kod Prijedora, gdje je njegov otac Ibrahim iz Tešnja došao na službu. Nižu gimnaziju pohađao je u Slavonskom Brodu, a višu upravnu školu završio je u Sarajevu. U Tešnju je duže radio u organima uprave (SUP), a kraće vrijeme kao sudija za prekršaje. Za predsjednika Skupštine Općine Tešanj izabran je 1961., i na ovoj funkciji ostao je sve do 1974. godine. Potom je bio direktor tešanskog Zadrugnog magazina.

Vrijeme u kojem je Salih Sarić bio predsjednik SO Tešanj jedan je od najznačajnijih perioda u razvoju tešanske sredine - kako u materijalnom tako i u obrazovnom i duhovnom smislu, a Sarićeva uloga u tome je od nemjerljiva značaja. To je doba u kojem se iz višedecenijskoga zaostajanja, marginaliziranosti, pa i političke nemilososti - Tešanj počinje razvijati u privrednom smislu, pa tada nastaju najznačajniji tešanski privredni kolektivi, a personalni zamahac tog razvoja, uz Izudina Alićehajića, upravo je Salih Sarić sa svojim zavičajnim entuzijazmom, vizionarstvom i političkom hrabrošću.

Tada se utemeljuje i tešanska gimnazija (1961.), tada se zbivaju i neslućene kulturne akcije kakve su objavljivanje sabranih djela pjesnika Muse Ćazima Ćarića, osnivanje tešanskog pozorišta, kupovina iznimno vrijedne biblioteke Hamida Dizdara, usmjeravanje od Safeta Hadžihasića doniranoga zlata u izgradnju Doma kulture (za šta je najdirektnije zaslužan upravo Sarić) i brojne druge geste koje su od Tešnja načinile izrazito značajno mjesto na kulturnoj mapi BiH. U svim ovim kulturnim poduhvatima presudna je bila Sarićeva spremnost da prihvati inicijative koje su dolazile prvenstveno od Mustafe Ćemana, da ih ocijeni kao vrijedne, da stane iza njih i da ih realizira - uz brojne lične rizike političke i egzistencijalne naravi.

Salih Sarić bio je bez premeta primjer ljubavi prema svome gradu, zbog čega je sve do smrti bio vjerovatno i najomiljeniji građanin naše sredine. Umro je 29.6.2011. godine u Tešnju, gdje je i sahranjen.

DOSTAVLJENO:

1. Općinskom vijeću Tešanj 1x
2. Načelniku Općine Tešanj 1x
3. Arhiva Komisije 1x

PREDSJEDNIK KOMISIJE


Jasmin Mandžukić, prof. hist.

Tešanj, 01.11.2012. godine

OPCINA TEŠANJ

Komisija Općinskog vijeća za izmjenu naziva ulica i trgova u Tešnju,

Jelahu i Tešanjci

Br. 02-02-1-3344.2

Datum: 19.11.2012. godine

OPCINA TEŠANJ

Datum: 19.11.2012			
Općina	Broj predmeta	Podjela	Dr. prijava
02	02-1-3344		

NAČELNIKU OPĆINE I PREDSJEDNIKU OPĆINSKOG VIJEĆA TEŠANJ

PREDMET: Stav Komisije po inicijativi Šemse i Emire Galijašević

Na sastanku održanom 14.11.2012. godine Komisiji je predložena inicijativa Šemse i Emire Galijašević za preimenovanje naziva Ulice Enesa Galijaševića u ulicu Zibe i Enesa Galijaševića.

Nakon rasprave, Komisija je utvrdila da ova inicijativa nije ostvariva - stoga što bi ovakav naziv predstavljao prejedan u poznatoj praksi imenovanja ulica. Nema, naime, primjera da se jedna ulica imenuje po dvije ličnosti istoga prezimena, pa bi ovakav neprilican i neuobičajen naziv stvarao zabunu. Srodstvo Zibe Galijašević i Enesa Galijašević na ovaj bi način neminovno bilo drukčije razumijevano od onoga kakvo jeste, jer bi sugeriralo da se radi o drukčijem, familijarnom odnosu.

Ovakvim stavom Komisija ni u kojem slučaju ne želi umanjiti pijetet spram tragizma Zibe Galijašević, niti dovesti u pitanje odnos prema antifašističkom pokretu iz Narodnooslobodilačke borbe u kojoj se i njena žrtva dogodila. Međutim, kada je prije nekoliko godina ova komisija, u istom sastavu, predložila promjenu naziva Ulice Zibe Galijašević u Ulicu Enesa Galijaševića - prvenstveno smo se rukovodili činjenicom da su gotovo svi nazivi ulica u Tešnju simbolički memorirali jedan povijesni period BiH, a da su svi drugi periodi bili zanemareni i ignorisani. Da bi se to korigiralo, nije bilo druge mogućnosti nego da se, u malom gradu kakav je Tešanj, vrši preimenovanje nekih ulica. Stoga je predložena i ova izmjena naziva, sugerirano je da se ova ulica imenuje po Enesu Galijaševiću - žrtvi iz perioda agresije na BiH 1992-1995. godine, koji je jedini od stanovnika grada Tešnja što je odlikovan priznanjem *Zlatni ljiljan*. Općinsko vijeće prihvatilo je tada ovu argumentaciju i usvojilo prijedlog Komisije.

PREDSJEDNIK KOMISIJE

Jasmin Mandžukić, prof.hist.